


增壹阿含經

第六

二百六十六
蘭六

49417



增壹阿含經卷第六

符秦建元年三歲曇摩難提譯

利養品第十三

聞如是一時佛在舍衛國祇樹給孤獨園尔時世尊告諸比丘受人利養甚為不易令人不得至無為處所以然者若修羅陀比丘不

貪利養者終不於我法中捨三法衣而住居家修羅陀比丘本作阿練若行到時乞食一



處一坐或正中食樹下露坐樂閑居處著五納衣或持三衣或樂冢間勤身苦形行此頭陀是時修羅陀比丘常受滿呼國王供養以百味食日來給與尔時彼比丘意染此食漸



捨阿練若行到時乞食一處一坐正中食樹
下露坐閑居之處著五納衣或持三衣或樂
冢間勤身苦體盡捨此已去三法衣還爲白
衣屠牛殺生不可稱計身壞命終生地獄中
是故諸比丘當以此方便知利養甚重令人
不得至無上正真之道若末生利養心制令
不生已生末方便使滅如是諸比丘當作是
學余時諸比丘聞佛所說歡喜奉行
聞如是一時佛在舍衛國祇樹給孤獨園
時世尊告諸比丘當滅一法我證神通諸漏
得盡云何爲一法所謂味欲是諸比丘當滅
此味欲我證汝等成神通諸漏得盡余時世

尊便說此偈

衆生著此味

死墮惡趣中

今當捨此欲

便成阿羅漢

是故諸比丘常當捨此味著之想如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時於舍衛城內有一長者適喪一子甚愛敬念未曾能捨彼見子死便生狂惑周旋往來不停一處若見人時便作是語頗有見我兒乎尔時彼人漸漸往至祇洹精舍到世尊所在一面住尔時彼人白世尊曰瞿曇沙門頗見

我兒乎世尊告長者曰何故顏貌不悅諸根
錯亂尔時長者報瞿曇曰焉得不尔所以然
者我今唯有一子捨我無常甚愛敬念未曾
離目前哀愍彼子故令我生狂我今問沙門
見我兒耶世尊告曰如是長者如汝所問生
老病死世之常法恩愛別離苦怨憎會苦子
捨汝無常豈得不念乎尔時彼人聞世尊所
說不入其懷便捨退去前行見人復作是語
沙門瞿曇說斯言曰恩愛分別便有快樂如
沙門所說審實尔不前人對曰恩愛別離有
何樂哉當於尔時去舍衛城不遠有衆多人
而共博戲尔時彼人便作是念此諸男子總

明智慧無事不知我今當以此義問彼諸人
尔時即詣博戲所問衆人曰沙門瞿曇向我
說曰恩愛別離苦怨憎會苦此者快樂諸人
等今於意云何是時諸博戲者報斯人曰恩
愛別離有何樂哉言快樂者此義不然是時
衆人便作是念審知如來言終不虛妄云恩
愛別離當有樂耶此義不然尔時彼人入舍
衛城至宮門外稱沙門瞿曇而作是教恩愛
別離怨憎之會此者快樂尔時舍衛城及中
宮內普傳此語靡不周遍尔時大王波斯匿
及摩利夫人共在高樓之上相娛樂戲尔時
王波斯匿告摩利夫人曰沙門瞿曇審有斯

語恩愛別離怨憎之會此皆快樂夫亦報曰
吾不從如來聞此言教設當如來有此教者
事亦不虛王波斯匿告曰猶如師教弟子爲
是捨是弟子報言如是大師汝今摩利亦復
如是彼瞿曇沙門雖作是說汝應作是言如
是不異無有虛妄然卿速去不須在吾前立
尔時摩利夫人語竹膊婆羅門曰汝今往詣
祇洹精舍到如來所持我名字禮世尊足復
以此義具白世尊去舍衛城內及中宮人有
此言論沙門瞿曇言恩愛別離怨憎合會此
皆快樂不審世尊有此教耶若世尊有所言
說者汝善承受還向我說是時竹膊婆羅門

受夫人教勅尋往至祇洹精舍到世尊所共
相問訊共相問訊已在一面坐時彼梵志白
世尊曰摩利夫人禮世尊足問訊如來興居
輕利遊步康強乎訓化盲冥得無勞耶復作
是語此舍衛城內普傳此言沙門瞿曇而作
是教恩愛別離怨憎之會此樂快哉不審世
尊有是言教耶尔時世尊告竹膊婆羅門曰
於此舍衛城內有一長者喪失一子彼念此
子狂惑失性東西馳走見人便問誰見我子
然婆羅門恩愛別離苦怨憎會苦此皆無有歡
樂昔日此舍衛城中復有一人老母無常亦
復狂惑不識東西復有一人老父無常亦復

有兄弟姊妹皆悉無常彼見此無常之變生
狂失性不識東西婆羅門昔日此舍衛城中
有一人新迎婦端正無雙亦時彼人未經幾
時便自貧賤時彼婦父母見此人貧便生此
念吾當奪彼嫁與餘人彼人竊聞婦家父母
欲奪吾婦更嫁與餘人亦時彼人衣裏帶利
刀便往至婦家亦時彼婦在牆外紡作是時
彼人往至婦父母所問曰我婦今為所在婦
父母報言卿婦牆外陰中紡作亦時彼人便
往至婦所到已問婦曰云卿父母欲奪汝更
餘嫁耶婦報言信有此語然我不樂聞此言
也亦時彼人即拔利劍取婦刺殺復取利劍

自刺腹並作是語我二人俱取死婆羅門當
以此方便知恩愛別離怨憎會苦此皆憂愁
實不可言尔時竹膊婆羅門白世尊曰如是
世尊有此諸惱實苦不樂所以然者昔我有
一子捨我無常晝夜追憶不離心懷時我念
兒心意狂惑馳走東西見人便問誰見我兒
沙門瞿曇今所說者誠如所言國事煩多欲
還所止世尊告曰今正是時竹膊婆羅門即
從座起遶佛三帀而去至摩利夫人所以此
因緣具白夫人時摩利夫人復至波斯匿王
所到已白大王曰今欲有所問唯願大王事
事見報云何大王爲念流離王子不王報言

甚念哀愍不去心首夫人問曰若當王子有
遷變者大王爲有憂耶王復報曰如是夫人
如汝所言夫人問曰大王當知恩愛別離皆
興愁想云何大王爲念伊羅王子不王報言
我甚愛敬夫人問曰大王若當王子有遷變
者有愁憂耶王報言甚有愁憂夫人報言當
以此方便知恩愛別離無有歡樂云何大王
念薩羅陀利利種不王報言甚愛敬念夫人
言云何大王若使薩羅夫人有變易者大王
爲有憂耶王報言吾有愁憂夫人言大王當
知恩愛別離此皆是苦夫人言王念我不王
言愛念汝夫人言設當我身有變易者大王

有愁憂乎王言設汝身有變易便有愁憂太
王當以此方便知恩愛別離然憎合會無歡
樂心夫人言云何大王念迦尸拘薩羅人民
乎王言我甚愛念迦尸拘薩羅人民夫人言
迦尸拘薩羅人民設當變易者大王有愁憂
乎王言迦尸拘薩羅人民當有變易者我命
不存況言愁憂乎所以然者我因迦尸拘薩
羅國人民力當得自存以此方便知命尚不
存何況不生愁憂乎夫人言以此知之恩愛
別離皆有此苦無有歡樂尔時王波斯匿右
膝著地叉手合掌而向世尊作是說甚奇甚
奇彼世尊而說此法若當彼沙門瞿曇來者

尔乃得共言論復語夫人自今已後當更看
汝勝於常日所著服飾與吾無異尔時世尊
聞摩利夫人與大王立此論本告諸比丘摩
利夫人甚大聰明設當王波斯匿問我此語
者我亦當以此義向彼王說之如夫人向王
所說而無有異又告諸比丘我聲聞中第一
得證優婆斯篤信牢固所謂摩利夫人是尔
時諸比丘聞佛所說歡喜奉行

聞如是一時佛在拔祇國尸收摩羅山鬼林
鹿園中尔時那憂羅公長者往至世尊所頭
面禮足在一面坐須臾退坐白世尊曰我今
年朽加復抱病多諸憂惱唯願世尊隨時教

訓使衆生類長夜獲安隱。今時世尊告長者曰：如汝所言，身多畏痛，何可恃怙？但以薄皮而覆其上，長者當知其有依憑。此身者正可見，須臾之樂，此是愚心。非智者所貴，是故長者雖身有痛，令心無病。如是長者當作是學。今時長者聞說斯言，從座起禮世尊，足便退而去。今時長者復作是念：我今可往至尊者舍利弗所而問斯義。是時舍利弗去彼不遠，在樹下坐。是時那優羅公往至舍利弗所，頭面禮足，在一面坐。是時舍利弗問長者曰：如今長者顏貌和悅，諸根寂靜，必有所因。長者故當從佛聞法。耶時長者白舍利弗言云：何

尊者舍利弗顏貌焉得不和悅乎所以然者
向者世尊以甘露之法漑灌曾懷舍利弗言
云何長者以甘露之法漑灌曾懷長者報言
舍利弗我至世尊所頭面禮足在一面坐介
時我白世尊曰年朽長大恒抱疾病多諸苦
惱不可稱計唯願世尊分別此身普使衆生
長獲安隱今時世尊便告我言如是長者此
身多諸畏苦但以薄皮而覆其上長者當知
其有恃怙此身者正可有斯須之樂不知長
夜受苦無量是故長者此身雖有患今心無
患如是長者當作是學世尊以此甘露之法
而見漑灌舍利弗言云何長者更不重問如

來此義乎云何身有患心有患云何身有病
心無病長者白舍利弗言實無此辯重問出
尊身有患心有患身有患心無患尊者舍利
弗必有此辯願具分別舍利弗言諦聽諦聽
善思念之吾當與汝廣演其義對曰如是舍
利弗從彼受教舍利弗告長者曰於是長者
凡夫之人不見聖人不受聖教不順其訓亦
不見善知識不與善知識從事彼計色爲我
色是我所我是色所色中有我我中有色彼
色我色合會一處彼色我色已集一處色便
敗壞遷移不停於中復起愁憂苦惱痛想行
識皆觀我有識識中有我我中有識彼識我

識合在一處彼識我識已會一處識便敗壞
遷移不停於中復起愁憂苦惱如是長者身
亦有患心亦有患長者問舍利弗曰云何身
有患心無患耶舍利弗言於是長者賢聖弟
子承事聖賢修行禁法與善知識從事親近
善知識彼亦不觀我有色不見色中有我我
中有色不見色是我所我是色所彼色遷轉
不住彼色已移易不生愁憂苦惱憂邑之患
亦復不見痛想行識不見識中有我我中有
識亦不見識我所不見我所識彼識我識
以會一處識便敗壞於中不起愁憂苦惱如
是長者身有患而心無患是故長者當作是

習遺身去心亦無染著如是長者當作是學
亦時那優羅公聞舍利弗所說歡喜奉行
聞如是一時佛在舍衛國祇樹給孤獨園
時世尊與數千萬衆前後圍遶而為說法
時江側婆羅門身負重擔便往至世尊所到
已捨擔一面在世尊所默然而住
時婆羅門作是思惟今日沙門瞿曇與數千萬衆前
後圍遶而為說法我今清淨與沙門瞿曇等
無有異所以然者沙門瞿曇食好粳糧種種
餚饌今我食果菰以自濟命
亦時世尊已知婆羅門心中所念告諸比丘
其有衆生以二十
十一結染著心者當觀彼人必墮惡趣不生

善處云何爲二十一結瞋心結恚害心結睡眠心結調戲心結疑是心結怒爲心結忌爲心結惱爲心結嫉爲心結憎爲心結無慙心結無愧心結幻爲心結姦爲心結僞爲心結諍爲心結憍爲心結慢爲心結妬爲心結憎上慢爲心結貪爲心結諸比丘若有人有此二——結染著心者當觀其人必墮惡趣不生善處猶如白氎新衣久久朽故多諸塵垢意欲染成其色青黃赤黑終不得成何以故以有塵故如是比丘若有人以此二十一結染著心者當觀其人必墮惡趣不生善處設復有人無此二十一結染著心者當知斯人

必生天上不墮地獄中猶如新淨白氎隨意
欲作何色青黃赤黑必成其色終不敗壞所
以然者以其淨故此亦如是其有無此二十
一結染著心者當觀其人必生天上不墮惡
趣若彼賢聖弟子起瞋心結觀已便能息之
起恚害心結起睡眠心結起調戲心結起疑
心結起怒心結起忌心結起惱心結起嫉心
結起憎心結起無慙心結起無愧心結起幻
心結起姦心結起僞心結起諍心結起憍心
結起慢心結起妬心結起增上慢心結起貪
心結若彼賢聖弟子無瞋無恚無有愚惑心
意和悅以慈心普滿一方而自娛樂二方三

方四方亦尔四維上下於一切中一切亦
一切世間以無量無限不可稱計心無恚怒
而自遊戲以此慈心遍滿其中得歡喜已心
意便正復以悲心普滿一方而自娛樂二方
三方四方亦尔四維上下於一切中一切亦
一切世間以無量無限不可稱計心無恚怒
而自遊戲以此悲心遍滿其中得歡喜已心
意便正復以喜心普滿一方而自娛樂二
方三方四方亦尔四維上下於一切中一切
亦一切世間以無量無限不可稱計心無恚
怒而自遊戲以此喜心遍滿其中得歡喜已
心意便正復以護心普滿一方而自娛樂二

方三方四方亦亦四維上下於一切中一切
亦一切世間以無量無限不可稱計心無恚
怒而自遊戲以此護心遍滿其中得歡喜已
心意便正便於如來所成於信根本不移堅
高顯幢不可移動諸天龍神阿須倫沙門婆
羅門或世人民於中得歡喜心意便正此是
如來至真等正覺明行成爲善逝世間解無
上士道法御天人師号佛衆祐於中得歡喜
心意便正亦復成就於法如來法者甚爲清
淨不可移動人所愛敬如是知者當作是觀
便於中而得歡喜亦復成於衆如來聖衆甚
爲清淨性行純和法法成就戒戒成就三昧

成就智慧成就解脫成就解脫見慧成就聖
眾者四雙八輩此是如來聖眾可敬可貴實可
承事於中得歡喜心意便正彼復以此三昧
心清淨無瑕穢諸結使盡亦無沾汙性行柔
軟逮於神通便得自識無量宿命事所從來
處靡不知之若一生二生三生四生五生十
生二十生三十生四十生五十生百生千生
百千生成敗劫不成敗劫成敗不成敗劫無
數成敗劫無數不成敗劫我曾在此彼字某名
某姓某如是生如是食受如是苦樂壽命長
短從彼終生彼間從彼終生此間如是自識
無數宿命事復以此三昧心清淨無瑕穢知

衆生心所念之事彼復以天眼觀衆生類有生者有終者善色醜色善趣惡趣若好若醜隨衆生行所作果報皆悉知之或有衆生身行惡口行惡心行惡誹謗賢聖造邪見行身壞命終生三惡道趣泥黎中或復有衆生身行善口行善心行善不誹謗賢聖正見無有

邪見身壞命終生天上善處是謂清淨天眼觀衆生類有生者有終者善色醜色善趣惡趣若好若醜隨衆生行所作果報皆悉知之彼復以此三昧心清淨無瑕穢無有結使心性柔軟逮於神通復以漏盡通而自娛樂彼觀此苦如實知之復觀苦習復觀苦盡復觀苦出

要如實知之彼作是觀已欲漏心得解脫有
漏心無明漏心得解脫已得解脫便得解脫
智生死已盡梵行已立所作已辦更不復受
有如實知之如是比丘賢聖弟子心得解脫
雖復粳糠善美種種餽饌搏若須弥終無有
罪所以然者以無欲愛盡欲愛故以無瞋恚
盡瞋恚故以無愚癡盡愚癡故是謂比丘中
比丘則內極沐浴已尔時江側婆羅門白世
尊曰瞿曇沙門可往至孫陀羅江側沐浴世
尊告曰云何婆羅門名之爲孫陀羅江水婆
羅門白世尊曰孫陀羅江水是福之深淵世
之光明其有人物在彼河以浴者一切諸惡

皆悉除盡尔時世尊便說

此身無數劫

經歷彼河浴

及諸小陂池

靡不悉周遍

愚者常樂彼

闇行不清淨

宿罪內充軀

彼河焉能沐

淨者常快樂

禁戒清亦快

清者作清行

彼願必果成

設護不與取

行慈不殺生

守誠不妄語

心等無增減

汝今於此浴

必獲安隱處

彼河何所至

猶盲投于冥

尔時婆羅門白世尊曰止止瞿曇猶如僂者

得伸闇者見明迷者示道於闇室燃明無目

者為作眼目如是沙門瞿曇無數方便說此

妙法願聽為道尔時江則婆羅門即得為道

受具足戒所以族姓子出家學道修無上梵
行生死已盡梵行已立所作已辦更不復受
有如實知之是時尊者孫陀羅諦利即成阿
羅漢亦時尊者孫陀羅諦利聞佛所說歡喜
奉行

聞如是一時佛在羅閱城耆闍崛山中與大
比丘五百人俱亦時釋提桓因日時以過向
暮便往至世尊所頭面禮足在一面住亦時
釋提桓因即以偈頌問如來義

能說能宣布 度流成無漏 以度生死淵
今問瞿曇義 我觀此衆生 所作福枯業
造行若干種 施誰福最尊 尊今靈鷲山

唯願演此義 知釋意所趣 亦為施者宜

尔時世尊以偈答曰

四趣造福無 四果具足成 諸學得跡人

直信奉其法 無欲亦無恚 愚盡成無漏

盡度一切淵 施彼成大果 諸此衆生類

所作福德業 造行若干種 施僧獲福多

此衆度無量 猶海出珍寶 聖衆亦如是

演慧光明法 拘翼彼善處 能施衆僧者

獲福不可計 最勝之所說

尔時釋提桓因聞佛所說已即禮佛足便於

彼退而去尔時釋提桓因聞佛所說歡喜奉行

聞如是一時佛在羅閱城耆闍崛山中與大

比丘五百人俱。尔时尊者须菩提亦在玉舍
城耆闍崛山侧。别作静屋而坐。禅思。尔时尊
者须菩提。起身得苦患甚。为沉重。便作是念。我
此苦痛。为从何生。复从何灭。为至何所。尔时
尊者须菩提。便於露地而敷坐。具直身正意。
专精一心。结跏趺坐。思惟诸入。欲寻苦痛。尔
时释提桓因。知尊者须菩提所念。便以偈勅
波遮旬曰。

善業脫諸縛

居在靈鷲山

今得極重患

樂空諸根定

速來往問疾

覲省上尊顏

既得獲大福

種德莫過是

時波遮旬對曰。如是尊者。尔时。釋提桓因。將

五百天人及波遮旬譬如士夫屈伸臂頃便
從三十三天沒來至靈鷲山中離尊者須菩
提不遠復以此偈語波遮旬曰

汝今覺善業

樂禪三昧定

柔和清淨音

今使從禪起

波遮旬對曰如是尔時波遮旬從釋提桓因
聞語已便調瑠璃之琴前至須菩提所便以
此偈歎頌菩提曰

結盡永無餘

諸念不亂錯

諸塵垢悉盡

願速從禪覺

心息度有河

降魔度諸結

功德如大海

願速從定起

眼淨如蓮華

諸穢永不著

無歸與作歸

空定速時起

度四流無為

善解無老病

以脫有為災

唯尊時定覺

五百天在上

釋主躬自來

欲覲聖尊顏

解空速時起

尔時尊者須菩提即從座起復歎波遮旬曰
善哉波遮旬汝今聲與琴合琴與聲合而無
有異然琴聲不離歌聲歌聲不離琴聲二聲
共合乃成妙音尔時釋提桓因便往至尊者
須菩提所頭面禮足在一面坐尔時釋提桓
白須菩提言云何善業所抱患苦有增損乎
今此身痛為從何生身生耶意生乎尔時尊
者須菩提語釋提桓因言善哉拘翼法法自
生法法自滅法法相動法法自息猶如拘翼

有毒藥復有害毒藥天帝釋此亦如是法法
相亂法法自息法能生法法能滅法黑法用
白法治白法用黑法治天帝釋貪欲病者用
不淨治瞋恚病者用慈心治愚癡病者用智
慧治如是釋提桓因一切所有皆歸於空無
我無人無壽無命無士無夫無形無像無男
無女猶如釋提桓因風壞大樹枝葉風落雷
雹壞苗華果初茂無水自萎天降時雨生苗
得存如是天帝釋法法相亂法法自定我本
所患疼痛苦惱今日已除無復患苦是時釋
提桓因白須菩提言我亦有愁憂苦惱今聞
此法無復有愁憂衆事猥多欲還天上已亦

有事及諸天事皆悉猥多時須菩提言今正是時宜可時去是時釋提桓因即從座起前禮須菩提足遶三匝而去是時尊者須菩提便說此偈

能仁說此語一根本悉具足智者獲安隱

聞法息諸病

行 亦時釋提桓因聞尊者須菩提所說歡喜奉行

調達及二經 皮及利師羅 竹膊孫陀利

善業釋提桓

增壹阿含經卷第六

蘭

竹 膊 下時 貧 匱 下 盡 也 紕 緊 絲 也 收

收 非 恃 怙 上 音 市 下 音 戶 既 灌 反 音 既 又 古 愛

注 也 澆 銷 饌 上 戶 交 反 下 床 菓 蘇 下 魯 果 反 在

菰 曰 白 豔 也 下 音 牒 毛 布 深 淵 反 下 鳥 懸 陂 池 碑 上 音 地

湖 桓 因 帝 釋 号 也 儻 儻 背 曲 病 覲 省 上 泉

井 鎮 反 見 也 下 息 猥 烏 每 雷 霽 下 蒲 葦 烏 為 反

下

